

APPELLATIO TERTIA

**Der Durchleuchtigen/
Hochgebornen Fürsten vnd Herrn/ Herrn
Ernstens Marggraffen zu Brandenburg/ in Preussen/
zu Stettin/ in Pommern/ der Cassuben vnnnd Wenden/ Auch in
Schlesien/ zu Crossen vnd Jägerndorff/ Herzogen/ Burggraffen
zu Nürnberg/ vnd Fürsten zu Rügen/ 2c. Vnd Herrn Wolffe-
gang Wilhelmen Pfalzgraffen bey Rhein/ Herzogen
in Bayern/ Graffen zu Beldens vnd
Spanheim/ 2c. Als dritter.**

**Von dero/ vnderm Namen der Röm. Kayf. Mayestät/
wider etliche in den Gältischen Fürstenthumben vnd Landen
Particular Personen/ außgangenen Peremptori-
alischen Citation ad videndum se
declarari, &c.**

In puncto retinenda Possessionis.



In Gottes Namen Amen. Zu wissen vnd offenbahr seye
 jedermenniglich / denen gegenwertig Instrument zu: hen / te:
 ien oder hõren l. sen vorkommen wird: Das in den Jahren nach
 Christi vnser lieben Herrn vnd einlgen Erlõfers geburt 1600.
 in der achter Indiction Rõmer sijnzjal genant / bey Herrschung
 vnd Regierung des Allerdurchleuchtigsten / Großmächtigsten vnd Vnũbers
 windlichsten Fürsten vnd Herrn / Herrn Rudolphen des andern von Gottes
 Gnaden erwõhlten Rõmischen Kayfers / zu allen zeiten mehrern des Reichs in
 Germanien / zu Hungarn / Bõheim / Dalmatien / Croatien vñ Schlawonien /
 Rõnia /
 Erzhertzogen zu Oesterreich / Herzogen zu Burgund / Steyr / Kärn
 ten / Erain vnd Wirtemberg / Graffen zu Tyroll /
 vnser Allergnedigsten vnd dreissigsten / vnd des Hungarischen im acht vnd dreissigsten Jahren auff
 Sambstag den drey vnd zwanzigsten tag Monats Januarij newen Calenders
 dennachmittag vmb die vierte stunde / wir vndenbenante Notarien vnd gezeu
 gen hieselbst zu Düsseldorf auff das Fürstliche Schloß gefordere / vnd daselbst
 in der gewõhntlicher Kabinetstuden besammen am Tisch sitzend befunden / den
 Durchleuchtig vnd Hochgebornen Fürsten vnd Herrn / Herrn Ernsken Marg
 graffen zu Brandenburg / in Preussen / zu Stettin / Pommern / der Cassuben
 vnd Wenden / auch in Schlesien zu Croffen vnd Jägerndorff / Herzogen /
 Burggraffen zu Nürnberg / vnd Fürsten zu Rügen /
 vnsern gnedigen Fürsten vnd Herrn /
 Neben Ihrer F. S. zugeordneten Råhten: Im gleichen des
 auch Durchleuchtigen vnd Hochgebornen Fürsten vnd Herrn / Herrn Wolff
 gang Wilhelm Pfsalzgraffen bey Rhein / in Bayern /
 Herzogen / vnsern auch gnedigen Fürsten vnd Herrn /
 hinderlassene Statthalter vnd Råhte /
 Johan Bartholden von Wonsheim Hoffmeistern / D. Johan Zeschlin Vice
 Canslern / Dierherichen von Eyburg / D. Johan Rincken / vnd D. Mar
 cell Dierherichen / Vnd hat fürs erste der Ehrvest vnd Hochgelehrte Eras
 mus Moriz / der Rechten Doctor zu vns vnd den zeugen zu reden angefangen /
 Das Hochgedachte Ihrer F. S. auch wolgemelten Herrn Statthaltern vnd
 Råhten vor wenig tagen auß zubringung etlicher gedruckter Copyen vorkom
 men seye / welcher gestalt vnder dem Namen dero Rõm. Kayf. Mayt. vnser
 Allergnedigsten Herrn /
 kurz vergangener tage / in der Statt Eõllen aber
 mahl etne vermeinte Edictal Citation de dato Prag den etliffen Novembri
 nechstverwichenen 1609. Jahrs / auß befehlt des Erzhertzogen Leopoldi in
 Oesterreich / Bischoffen zu Straßburg vnd Passaw /
 als angebenen Kayser
 lichen

Achen Commissarij/ durch einen Kayserlichen Herolden offentlich were publi-
 cirt vnd angeschlagen/ darinn beyde vnser gnedige Fürsten vnd Herrn/ vnd
 vnder andern acht vnd vierzig Personen/ welche Ihren S. S. G. mit eyd/
 pflicht/ diensten vnd sonsten angehörtig/ auff vngleichen vnd vnwarhafften be-
 richt/ nicht allein Ehrenverleglicher weis an ihren Ehren höchlich diffamirt/
 vnd vieler vngedür bezüchtigt/ sondern auch wol vnd gedachte acht vnd vierzig
 Personen dabey beschuldigt/ als solten dieselb Allerhöchstgedachten Kayserl.
 Mandatis zuwider/ solche grobe contraventiones, thätlichkeiten vnd hochsträf-
 lichen ungehorsam begangen haben/ das sie dardurch in die straff hochgedach-
 ten Mandaten/ vnd also in die darinn benante peen des Reichs Acht vnd aber
 Acht vnd andere straffen gefallen sein solten/ Dardurch dann Ihre S. S. G.
 vnd deren angehörtige in der Stration benante Personen/ sich zum höchsten be-
 schweret befunden/ vnd ferner beschwert zu werden sich besorgen müsten/ Vnd
 wiewol Ihre S. S. G. vor diesem von dergleichen mandatis coram Notarijs &
 testibus verschiedentlich an gebürende örter Appellirt/ vnd also wol vnnöttig
 erachten/ von nechstgemelter Edictal Citation, vnd darin zugesügeten beschwer-
 nussen/ abermahl ferner zu Appelliren/ Dannoeh dieweil Ihre S. S. G. der-
 selben Vnderthanen/ Dienere vnd angehörtige/ in diesen vnd andern vngedür-
 lichen aufflagen vnd zumutungen zuverthädigen/ vnd ihre vnd der ihrigen vn-
 schuld zuerretzen/ vnd zu solchem ende alle im Rechten zugelassene mitteln an
 die hand zunehmen gnedig gesinnet: So hetten derwegen hochgedachte Ihre
 S. S. G. wie auch vorgemelte Statthaltere vnd Räte/ die notturfft auff's Pappir
 bringen lassen/ vnd wolten in krafft eines Appellation zettul's/ auß darinn ange-
 zogenen beschwernussen/ vnd wie dieselb hernechst ferner deducirt werden sol-
 ten/ an gebürende örter Appellirt/ solche Appellation in notam zunehmen/ vnd
 zu dem ende auff erforderen vor die gebür/ eins oder mehr Instrumenta/ in ge-
 bürlicher formen mitzutheilen/ vns requirirt vnd erfordert haben/ Darauff
 wolgedachter D. Erasmus Moritz/ jengemelten Appellation zettul deutlich ver-
 lesen/ vnd nach dessen verlesung abermahl continuando angezeigt/ Ihre S. S. G.
 so wol auch die Pfalz Newburgische Statthaltere vnd Räte requirireten vns
 Notarien in beysein vnd anhören der zeugen/ fleißig/ fleißiger vnd auff's aller
 fleißigst/ das wir diese Appellation in notam nehmen/ vnd darüber wie vorge-
 melt/ notturfftige Instrumentum vnd Instrumenta mittheilen wolten: Wan
 dann wir Notarien tragenden Ampts halber/ solcher requisition vnderthänig
 einzuolgen vns schuldig erkennen. So haben wir diesen anagereagten Appellation
 zettul zu vnsen handen genommen/ vnnnd gegenwärtig Instrumentum loco

Apostolorum Testimonialium, darüber verfügt vnd mitgetheilt. Geschehen im Jahr Indiction/ Kayser thumb/ Monat/ Tag/ Stundt vnd Wahlplatz wie vorstehet/ In beysein vnd anhören der Ehrnhaft/ Achtbarn vnd wolersaheren Johannem Carls/ Burgermeistern zu Berchem/ Friderici Recksen Pfenders im Eigen/ Eilmannen Landers/ vnd Leonharden Königspergers von Anewerpen/ als herzu erforderen glaubhastten gezeugen/ Vnd folgt vorerst der inhalt des Appellation zettuls wortlich hernach also:

Der Durchleuchtige vnd Hochgeborne Fürst vnd Herz/ Herz Ernst Marggraffe zu Brandenburg/ in Preussen/ 2c. Herzog/ 2c. Als vollmechtiger Gewalthaber/ des Durchleuchtigsten/ Hochgebornen Fürsten vnd Herrn/ Herrn Johans Sigismunden/ Marggraffen zu Brandenburg/ des Heyl. Römischen Reichs Erzhammerern vnd Churfürsten/ 2c. Ihrer F. G. geliebten Herrn Bruders: Vnd in Namen des auch Durchleuchtigen/ Hochgebornen Fürsten vnd Herrn/ Herrn Wolffgang Wilhelm/ Pfalzgraffen bey Rhein/ in Bayern/ 2c. Herzogen/ 2c. in vollmacht dero gleichfalls Durchleuchtigen/ Hochgebornen Fürstinn vnd Fräwen Fräwen Annen Pfalzgräffinnen bey Rhein/ in Bayern Herzoginnen/ 2c. Ihrer F. G. geliebten Fräw Müttern/ heimgelassene Statthalter vnd Räthe/ geben euch hierzu erforderen Notarijs vnd gezeugen zuerkennen: Was massen Hochgemeltes Herrn Marggraffen Ernstens F. G. vñinen vor sieben tagen durch vngefehrtliche zubringung erlicher blosser gedruckter Copeyen vnd spargirten zeitungen zuvernehmen vorkommen/ Das vnder dem Namen der Röm. Kayf. Mayt. vnfers Allergnedigsten Herrn/ 2c. wenig tag davorn/ in des Heyligen Reichs Statt Eölln/ an vnderschiedlichen ortern daselbst/ eine vermeinte Edictal Citation von dato Prag den eilfften tag Novembris des 1609. Jahrs/ auß befeich des Erzhernogen Leopoldi zu Osterreich/ Bischoffen zu Straßburg vñ Passaw/ 2c. als angebenen Kayserlichen vornembsten Commissarij/ durch einen Kayserlichen Herolden/ öffentlich sey angeschlagen worden/ darin vnder andern beyde Ihre FF. GG. vnd vornemblich 48. derselben mit end/ pflicht/ diensten vnd sonsten angehörige Gräffliche/ Adelige/ Gelerete/ vnd andern Standts Personen/ auff allerhand vnerfindlichen vnd vnwarhastten berichte Ihrer Kayf. May. Reichs Hoff Fischseals/ nicht allein hochbeschwerlicher vnd Ehrverletlicher weis/ vieler vngelübte bezüchrigt vnd diffamirt/ sondern auch wol vnd gedachte 48. Personen/ dabey zum hefftigsten beschuldigt werden wollen: Als hetzen gegen Hochgedachter Ihrer Kay. May. vorige Mandata/ sie solche graven
samen

same vnd abschewliche contraventiones, attentata, thädlichkeiten vnd bößlichen vnghehorsam/ auch Rebellion wider dieselb Ihre May. begangen/ dardurch sie ipso facto, in die straff gerürter Mandaten/ vnd also in Ihrer May. vnd des Reichs Acht vnd aber Acht/ auch verlust aller ihrer Haab vnd Güter/ Lehen/ Gnaden/ Freyheiten vnd andere straffen/ ohne weitere erkläring gefallen/ vnd derwegen Ihre Kay. May. gestracks zur Execution zu Procehdiren/ wol befugt sein. Gleichwol doch auff gedachtes Ihrer Kay. May. Hoff Fiscals anruffen/ damit sie sich nicht zubeklagen/ oder der vnwissenheit zuentschuldigen herten/ eine ladung ad videndum se declarari zu end annectirt worden/ mehrern inhalts obgemelter Coppen/ welche also lautet:

Wir Rudolff der ander von Gottes Gnaden Erwählter Rö-
mischer Kayser/ zu allen zeiten mehrer des Reichs in Germanien/ zu
Hungaren/ Böhheim/ Dalmatien/ Croatten vnnnd Schlawonien/
König/ 2c. Erzhertzog zu Osterreich/ Herzogen zu Burgund/ Steyr/ Kärnten/
Krain vnd Wirtemberg Graffe zu Tyrol/ 2c. Fügen den Edlen/ Erbsamen/ Ge-
lehrten/ vnsern vnd des Reichs lieben getrewen Philips vnd Friedrichen bey/
den Grafen von Solms/ vnd Herrn zu Wingenberg/ Johann Adolphen von
Dhaun Grafen zu Falckenstein/ Adamen Grafen zu Schwarzenberg/ vnd
Bernharden Quad zu Stammerheim/ Adolffen Wilhelm von Hall/ Mar-
silinussen vnd Otten von Palant gebrüder/ Wilhelm Quad zu Seeck/ Jo-
hann Mangelman zu Lurich/ N. Hurdt von Schonegge/ N. von Uhr/ Wil-
helmen Drimborn zu Durzweiss/ N. Müllstroe zu Destorff/ Frans Schmitz
im Mülleneiser Burger zu Deuren/ Wilhelm Moedel gewesener Burgermei-
ster zu Deuren/ Wilhelm vom Scheide genant Beschypfenning Auptman
zur Burg/ Godfrid von Steinen Auptman zu Lulstorff/ Joachim Matten-
stot der Rechten Doctorn/ Johan Ketter/ Adolffen Steinhause Burgermei-
stern zu Düsseldorf/ Frans Heimbach/ Philips Wilhelm von Bernshaw
zum Hardenberg/ Johan Lutning zu Pleess/ Friderichen Wilhelm Herrn zum
Droich/ Bernharden Belbrugg zu Lanawig/ Hans Friderichen von Kalsheim
genant Leuchtmar zu Leuchtenberg/ Nicolafen Langenberg Doctor/ Georg
von Heiden zu Schorrad/ vnd Henrich Quad/ Wirich von Bernshaw zu
Angern/ Gerharden von Belbruggen/ Wilhelm Ledebaur/ N. Fuchs zum
Boeckel/ Rembold von Kerchenbroich/ Wilhelm von Quernheim/ Georg
Lutnigt/ Baldewein vom Closter/ Johan Dumbstrup. Hauptman/ Wilhelm
von Eohausen/ N. von Erbach zu Duckenburg/ Mattheisen Wachtendunck zu
Hulhausen/

Sulhausen / Berlaeten Els der Rechten Doctor / Adoff Steingen Doctor /
 Peter Gans Notario publico, Bertram von Lützenrod / Wilhelm Quad zu
 Zoppenbroich / vnd N. Knipping von Heyen / hie mit zu wissen. Demnach vns
 vnser Reichs Hoff Fiscal klagen zuerkennen geben / Ob wir wol gestracks auff
 absterben Weiland vnser Bettern Herzog Johann Wilhelm zu Süllich /
 vnder dato Prag den zweiten Aprilis jüngsthin der Fürstenthumben Süllich /
 Eleve / Berg / ic. vnd allen darzu gehörigen Graff / Herrschafften vnd Landen
 hinterlassenen vnd von vns bestelten Råhten vnd Regierungen / wie vorher in
 vnserm Namen bis auff andere verordnung zu Continuiren keine newerung /
 thätigkeit oder änderung zugestatten / sondern alles in dem stand / darin es bey
 ableiben jeggedachtes legt abgestorbenen Herzogen befunden vnd gelassen / zu
 erhalten / auch die Stände der Landen / krafft deren vor etlichen Jahren auffge-
 richten Bnton / keinen ohne erkandnuß Rechtsens vnd vnser bewilligung vor
 siren Herrn zuerkennen oder zuzulassen / ermahnet: Vnd als wir von vnder-
 schiedlichen örtern gläublichen bericht empfangen vnd geklagt worden / Das
 vnder verschiedene Ehur / vnd Fürsten / auch andere mechtige / in: vnd außserhalb
 des Reichs gefessene / so zu diesen Fürstenthumben vnd Landschafften / sampt
 deren zugehörungen / der Succession vnd anderer anforderung halber / aller-
 hand interesse præterire / derselben mit Kriegsgewalt / vnerwartet einiges
 Rechtlichen außtrags zubemechtigen / in vorhaben vnd bereitschafft stehen sol-
 ten / zuverhütung grösserer vngelegenheit / empörung vnd thätlicher handlung /
 tragenden Kayserlichen Ampts halber / vnd als dieser Land Lehnherren / vnd vn-
 gezeiffelter vnmittelbarer / dieser sich erregten streittigkeiten Richter / ic. ernste
 Mandata inhibitoria, bis zu fernerer vnser erkandnuß von allen thätlichkeiten
 vnd anmassungen abzustehen / in dem stand darinnen es bey ableiben des ver-
 storbenen Herzogen gefunden / oder wir / als wie gehört / Regierender Röm-
 scher Kayser / Lehenherr vnd vnmittelbarer Richter es verordnen möchten / ver-
 bleiben zulassen / vnd keine newerung oder veragewaltigung sich zu vnderstehen /
 ernstlich gebotten / Wie wir auch / da was de facto darwider allbereit were ar-
 reuirt oder vorgenommen worden / dasselb von Kayserlicher macht Cassirt
 vnd aufgehoben / mit angeheffter Citation / aller der jenigen / so zuspruch oder
 forderung zu diesen Fürstenthumb vnd Landen hetten / dieselb in zeit vier Mo-
 naten von dato angeregter ladung / bey vns gebürlich vor vnd anzubringen:
 Wie wol wir auch allen vnd jeden Weiland gedachts vnser Bettern / Herzog
 Johann Wilhelms zu Süllich / ic. hinterlassenen Råhten / Beampften / Die-
 nera / vnd

nern/ vnd in gemein allen vnd jeden/ in Gütlichſchen/ Eleyſchen vnd Bergiſchen Fürſtentumben/ auch darzu gehörigen Graff: Herrſchafft vnd Landen eingeleſenen Ständen/ Vnderthanen vnd Schutzwandten/ vnder dato Prag/ den eilfften Julij jüngſthin/ ſampt vnd einem jeden inſonderheit/ ernſtlich vnd bey peen vnſer vnd des Heiligen Reichs Acht vnd aber Acht/ auch verſicherung aller Lehen/ Gnad/ Privilegien vnd Freyheiten/ darinn die Vbertreter ipſo facto, ohne einige fernere erklärung gefallen/ das ſie ohne vnſer erlaubnuß vnd bewilligung/ keinen Interſſenten/ wer der auch ſeye vor ihren Herrn oder Obrigkeit erkennen vnd annehmen/ noch demſelben einitzen beſſer thun/ Huldigen/ oder in ander wege ſich beypflichtig machen/ ſondern biß die Sachen an vnſerm Kayſerlichen Hoff/ da ſie allbereit anhengig/ vnd dahin ſie gehörig/ gänzlich entſcheiden were/ damit in ruhe ſtehen/ diß vnd teils anders thun ſolte/ als lieb einem jeden were ſolche peen vnd ſtraff zu vermeiden/ wie wir auch/ da ſolchem vnſerm verbott zugegen/ vnder deſſen allbereit/ es ſeye mit einlaß oder einnehmung eines oder des andern Interſſenten oder ihrer Gewaldräger/ wie auch durch leiſtung einiger Huldigung/ oder ſonſten in andere wege ichts de facto attentirt vnd vorgangen were/ daſſelb alles vnd jedes/ als an ſich ſelbſt nichtig/ eigenthällich vnd wider Rechtliche attentata caſſirt/ revocirt vnd aufgehoben/ vnd alles in den ſtand / wie es nach tödlichen abgang offgedachtes Herzogen Johan Wilhelms zu Gütlich geweſen/ vnd ſonſten durch vns vnd vnſere Kayſerliche Commiſſarien angeordnet ſein möchte/ geſetzt hehen: Ob auch wol zu fernerer handhabung dieſer ſenberürter vnſer Kayſerlichen Mandaten vnd Gebotten/ damit ſich niemand einziger vnwiſſenheit oder in andere wege zuentſchuldigen/ auch hernacher mit der Commintirten ſtraff gegen den verächtern vnd vbertretern deſto ernſtlicher verfahren werden möchte/ wie vnter jenbefagtem dato/ allen vnd jeden Kriegs Oberſten/ Rittmeiſtern oder ihren Leutenanten/ Hauptleuten/ Fendrichen/ Befelchs habern/ vnd gemeintlichen allen Kriegsleuten zu Roß vnd Fuß/ wie die Namen haben/ auch was Nation/ Standes oder Würden die weren/ ſo in vielbe meſten Gütlichſchen/ Eleyſchen/ Bergiſchen Fürſtentumben/ vnd darzu gehörigen Graff: Herrſchafften vnd Landen beſetzt/ außgeführt vnd geworben/ oder noch in anzug vnd werbung ſein/ vnd darunter erſucht vnd gebraucht werden möchten/ vnd ins gemein allen denen/ welchen ſolche vnſere Kayſerliche Brieff/ auff verordnung vnſerer beß falls verordneter Kayſerlichen Commiſſarien/ oder anderen von demſelben darzu verordneter Perſonen/ vorkommen/ inſinuit vnd verſündet werden/ durch öffentliche
 vnd

vnd gedruckte Edicta bey gleichmessiger straff der Acht vnd aber Acht/ darzu
 verlust aller vnd jeder ihrer Haab vnd Güter/ welcher end vnd ort die im Reich
 gelegen/ Auch aller Lehen/ Gnaden/ Privilegien vnd Freyheiten/ so dann re-
 spectiv Leibstraff/ ebenfals ipso facto ohne weitere ertklärung/ durch die Ober-
 tretter zuverwircken/ ernstlich gebieten lassen/ das in angeregten Fürstenthumb
 vnd Lande/ darzu gehörige Graffschafften/ Empter/ Stätt/ Schlöffer/ Berich/
 Pflegern/ Dorffschafften/ Gebieten/ Landschafften/ nicht allein als gleich vnd
 so bald demselben sampt vnd sonderlich solche vnser Brieff oder glaubwürdige
 von vnsern Commissarien vidimire abschriften verkündet vnd wissend ge-
 macht werden/ ohne allen auffhalt vnd verzug widerumb raumen vnd gentslich
 verlassen/ mit aller gewalthaten verschonen/ vnd in keine weis feindlich an-
 greiffen/ beleidigen oder beschweren/ Auch sich vorthin/ wie vnd mit was schein
 es von den Kriegsherrn vnd Obersten/ mehr begeri oder vorgenommen würde/
 im wenigsten nicht darwider bestellen noch gebrauchen lassen/ sondern wo sich
 vielleicht einer oder mehr derselben ohren ichtes vnderstanden/ dasselbige wi-
 derumb abstellen/ vnd ohne jemannds beleidigung/ neben gebürlicher bezahlung
 aller zehrung/ zertrennen vnd vnfaumig abziehen/ vnd dem nichts anders thun/
 noch vngheorsam sein solle/ Als lieb ihnen vnd einem jeden insonderheit were/
 vorgedachte peen vnd straff zuvermeiden/ wie dann solche Mandata zu Düffel-
 dorff/ eins auff die Fürstliche Sangley/ das ander auff das Rathhauß/ durch
 Notarium vnd gezeugen/ weil man für vnsern derwegen dahin abgefertigten
 Kayserlichen Herold/ zu höchst vnserm veracht vnd despect (dadurch die jenige
 so daran schuldig/ ipso facto crimen laesae Maiestatis incurriret) die Thor vnd
 Pforten der Stätt versperret/ vnd den einzug zu seines Amptes verrichtung
 durch Soldaten mit gewale verwehret/ In gleichem dann folgendes den
 vier vnd zwanzigsten zu Cleve vor dem Schloß eins/ das ander auff die
 Sangley daselbsten den fünf vnd zwanzigsten alles selbigen Monats/ zu
 Lunen in einer der Hauptstätt der Graffschafft Marck auff die Kirch vnd
 Rathhauß/ dann im Fürstenthumb Gütlich/ an vnderschiedlichen ohren/
 als den sechs vnd zwanzigsten zu Deuren vnd Gütlich/ den acht vnd zwanzig-
 sten zu Einrich vnd Randerat/ den neun vnd zwanzigsten zu Wurmb/ Beilich-
 kirchen/ Sangelt/ Sittart vnd Dorne/ den dreissigsten zu Susteren/ Heins-
 berg vnd sonst anders wo wie gleichfals in beyden nächst anliegenden Freyen
 vnd Reichs Stätten/ Eßlen vnd Aach mit gewöhnlichen Ceremonien ver-
 künd/ vorzulesen/ vnd der gebür öffentlich affigire/ laut der beschweagen von dem
 Kayserlichen Herolden vnd der Notarien relationen/ folgendes/ vnd wie wol

von dem Hochwürdigem/ Durchleuchtigen/ Hochgebornen Leopolden/ Erz-
 hertzogen zu Osterreich/ Bischoffen zu Straßburg vnd Passaw/ Hertzogen zu
 Burgund/ Graffen zu Tyroll/ 2c. vnserm freundlichen lieben Bettern/ Sohns
 vnd Fürsten/ vnd als vnserm fürnembsten in diese Fürstenthumb vnd Land ver-
 ordneten Commissarien fermer befehl vnd warnungschreiben/ angeregten
 Mandatis zugehorsamen/ vnder dato den 28. Julij hernacher aufgangen/ vnd
 allenthalben insinuiret/ So hette sich zwar gebürt/ das solchen offenen/ ver-
 kündten vnd angeschlagenen Kayserl. Mandaten würcklich schuldige partiton
 vnd gehorsam geleistet vnd erstattet sein solte/ Alldieweil aber dessen ungeachte
 vnd vnerwogen/ zu sonderlichem vnghorsam/ despect/ vnd verkleinerung vn-
 serer Kayf. Auctoritet vnd Hocheit/ Ihr Philips vnd Friderich beyde Graf-
 fen zu Solms/ auch nicht allein bey beyden/ Marggraff Ernst zu Brandenburg
 vnd Wolfgang Wilhelms Pfalzgraffen &c. in Raht vnd Kriegsbestallung
 eingelassen/ vnd den 16. Junij in die Statt vnd das Schloß Düsseldorf den
 einzug gegen der Rähre vnd Stände bewilligung mit beyden Fürsten gethan/
 Sondern auch hernacher/ Nach dem sich Ihre &c. obberürten vnsern Manda-
 tis zu wider setzen/ vnd kein gehorsam zuleisten/ Schrifft: vnd Mündlich öffent-
 lich vernehmen lassen/ Darauff auch Städte vnd Schlöffer de facto zu ihrem
 gewalt zubringen/ die Ständ vnd Bnderthanen zutrennen/ vnd sie ihnen an-
 hengig zumachen/ durch allerhand wider Rechtliche mittel vnderstanden/ Euch
 auff den Landtagen zu Düsseldorf vnd Duißberg bemühet/ vnd vnser Com-
 missarien in verrichtung ihrer Commission/ in viele weg zubehindern/ vnder-
 fangen/ die Landständ der Gältischen/ Elevischen vnd Bergischen Fürsten-
 thumb/ auch darzu gehörigen Graff: Herrschafften vnd Landen zutrennen/ bey-
 de Fürsten oder ihre Principalen vnsern Mandatis zuwider/ vor ihre Herrn zu
 erkennen vnd anzunehmen/ denselben vngbürlische handgelübten zuleisten be-
 wogen/ die zu behuff der Ständ angenommene Soldaten den Fürsten zuschwe-
 ren vnd beyzufallen verleitet/ Das Schloß vnd Statt Düsseldorf in deren
 Namen zubewahren/ mit Soldaten besetzt/ davon vnser Kayf. Commissa-
 rien vnd Herold mit gewalt aufgeschloffen/ folgend in alle Gältische vnd
 Elevische Städte vnd Gemeinden/ die verboten handgelübden/ mit guten
 worten vnd schweren betrawungen den armen vnverstendigen Bnderthanen
 abgzwungen/ vnd wider vns aufgewickelt/ auch von denen beyden Fürsten in
 allen ihren newerungen vnd vorgekommenen attentaten gegen außtrücklichen
 Inhalt vnserer Mandaten beygepflichtet/ allen vorschub vnd hülfserzeigt/ Wie
 auch du Wirich von Daun Graff zu Falckenstein in beyden Ihrer &c. end vnd
 M pflichten

pflichten dich begeben/ vnd die Possession des Schloß zu Cleve/ in derofelben
 oder ihrer Principalen Namen eingenommen/ vnd mit Soldaten verwahret/
 dergleichen du Adam Grasse zu Schwarzenberg/2c. Bernhart Quad zu Flam-
 merstheim/ Adolff Wilhelm von Hall zu Gleen vñ Diesterlich/ Werner Mar-
 silius vnd Otto von Palane zu Bredenbend gebrüder/ 2c. Wilhelm Quad zu
 Beeck/ vnd Johan Wangelman zu Lürich/ N. Hürt von Schonneg zu Khan-
 sumb Gütlichscher Erb Marschalck/ den gemeinen Gütlichschen Ständen ab-
 vnd beyden Fürsten zu gefallen/ vnd hettet denselben/ als ewern Herrn gelübd
 gerhan/ darauff euch von ihnen zu Commissarien des Fürstenthumbs Gütlich/
 als die auff dem Landtag anwesende andere Rähre/ Ritter vnd Stände/ vmb
 des willē/ das sie gegen vnsern befelch die abgeforderte vnzimblliche handgelübd
 nicht thun wollen/ wider alle gebür/ vnd hergebrachte der Landen Freyhete ein-
 gesperret/ vñ zu Düsseldorf wider ihren willen auffgehalten/ vnd zu beyder
 Fürsten gefallen/ der Gütlichschen Stände/ in krafft ihrer auffgerichteten Union/
 angenommene Soldaten/ ohne gemeinen beschluß/ befelch vnd wissen der Stände
 bemettes Fürstenthumbs abgedanckt/ vnd in der Fürsten eyd besetzt/ zu ein-
 nahm der Schlößer vnd Städte/ Singig/ Caster/ Aldenhoven/ vnd den alle
 mögliche hülf geleistet/ Desgleiche hettest du N. von Ahr zu Patteren/ neben an-
 deren Hauptleuten vñ Soldaten/ Schloß/ Stadt/ Bruckē durch abfall/ in han-
 den beyder Fürsten geliffert/ vnd dich darauff zum Hauptman bestellen lassen/
 Du Wilhelm Drinborn zu Durweil/ N. Mülstroc zu Destorf/ Franz Wille-
 neiser Bürger zu Deuren hettet die Soldaten der Stadt Berchem am viereten
 Augusti nechsthin gleichmessig wegen der Stände ohne befelch abgedanckt/
 vnd den Fürsten sampt der Stadt angewiesen. Du Marsilius von Paland aber
 den 8. Augusti die Bnderhanen des Amptes Seilentkirchen auff der Fürsten
 befelch zusamen bescheiden/ vnd in ihre eyd vnd pflichten sich zu begeben/ beredet
 vnd verführet/ Inmassen gleichfals du von Paland vnd andere Deputire/ mit
 zuthun der Bürger verhindert/ das in der Stadt Deuren die Kayf. Mandata
 vnd Patenten nicht auffgeschlagen werden können/ Nicht weniger von die
 Wilhelm Mocketl gewesener Bürgermeister zu Deuren/ der du dich dan gleich-
 fals beyden Fürsten beygepflichtet/ gesehen/ vnd darüber vornemblich andere
 gemeine Bürger denselben handgelübd zuleisten/ gegen des Rähres vnd anderer
 gehorsamen bewilligung inducirt vnd beweget/ auch die Fürsten dahin beris-
 fen vnd holen/ ferner nach Eustkirchen/ Münster Effel vnd Singig vergleicht
 vnd daselbst die Bürger zu gleicher handgelübd antreiben vnd verführen helf-
 fen/ Du Wilhelm von Scheid genant Beschypfenning Amptman zur Burg
 Gottseich

Boerfried vom Stein Amptman zu Lüssforff vnd Leuenburg/ Joachlm Mat-
 tenfloet der Rechten Doctor heret euch zu beyden Fürsten gewandt/ vnd lieft
 euch in den daselbst vorkommenden sachen/ in berahrschlagung/ recessiren/ vnd
 verfassung allerhand befehlen/ auch was daselbst sonst vorlaufft/ ohne schew
 gebrauchten/ Vber dis heret du Johann Kettler zu Aldendorff mit zuthun
 Adolffen Steinhauens der zeit Burgermeistern/ vnd Franz Heimbachs der
 26. Junij die Burger zu Düsseldorf wider die Räte vnd Stände dargestelet/
 auffgewickelt vnd zertrent/ das beyde Fürsten mit allen den ihrigen gegen der
 Räte vnd gemeiner Ständ bewilligung in die Statt vnd Schloß eingelaf-
 sen/ sich derselben bemehrigen/ vnd folgendes ihre befugung darinn gebracht/
 Auch hernacher in verführung der Stände/ vnd abnötigung der handgelübten
 vnd andern vnsern Kayf. Mandaten zuwider euch gebraucht: Wie dann du
 Steinhauens dich gar zum Schultheissen an statt des gewesenen heret an-
 ordnen lassen/ Du Philips Wilhelm von Bernsaw zum Hardenberg/ Johan
 Lünig zu Pleß/ Friderich Wilhelm zu Hoen Broich/ Bernhard Belbrug-
 gen zu Langwith/ Hans Friderich von Calheim genant Leuchmeyer zu Leuch-
 tenberg/ Niclas Langenberg der Rechten Doctor heret aber nach dem im
 Julio angeschlagenen letzten vnsern Mandatis bey gemachter trennung der
 Bergischen Ständ/ nach gethanem beysfall vnd der Fürsten geleisteten handge-
 löbte euch gleichfals zu Bergischen Deputirten ansehen/ vnd George von Hei-
 den zu Schönrad/ vnd Heinrich Quaed zu Isengarten zu Commissarien ver-
 ordnen lassen/ Darauff als bald den 29. Julij du Quaed/ Heiden/ von Lünig
 mit etlichen versambelten wolbewehrten Soldaten/ fridbrüchiger weis das
 Schloß Blanckenberg (inmittelst der Amptman zu Düsseldorf wider sein
 willen/ gleich andern Räten vnd Ständen/ der verweigerten gelübte halber
 auffgehalten) mit Practiken vberstiegen vnd eingenommen/ hernacher am ein
 vnd dreissigsten selbigen Monats vor Windeck mit Kriegsvolck geruckt/ vnd
 in abwesen/ vnnd gleicher versperzung des Amptmans vnd Pfandhern da-
 selbsten Vertramen von Nesselrod/ die darauff gelassene Diener der gestalt
 bedrawet/ vnnd dem Landfriedden zugegen betrangt/ das sie euch in Namen
 der Fürsten das Schloß auffgeben/ einräumen/ vnnd mit derselben Sol-
 daten besetzen lassen müssen. Dergleichen weret ihr vorbesagte Philips
 Wilhelm von Bernsaw/ Hans Friderich von Calheim genant Leuch-
 meyr/ vnnd Niclas Langenberg Doctor/ nachgehends durch das Fürsten-
 thumb Berg allenthalben in Statt/ Flecken/ Amptern vnd Dorffschafften
 herum gezogen/ vnnd die Vnderthanen zur Huldigung oder handgelübte/

keinen andern Tertium vor ihren Herrn als beyde Fürsten oder dero Principa-
 len anzunehmen persuadir / auch etliche Beampten dazzu wider ihren willen
 genötiget / Gleichfalls du Ulrich von Bernsaw zum Angern gethan / vnd dich
 zum Hauptman / du Gerhart von Belbruggen aber zum Fendrich bestellen vnd
 annehmen lassen / darauß ein Fendlein Knecht gerichtet / die Kriegsteut gemu-
 stert / vnd damit Mühlheim besetzt / auch dahin Beschütß geführt / vnd andere
 Schlöffer mit Soldaten beleget / auch biß auff diese stund / vngeachtet vnserer
 Kayf. Mandaten / dabey beharret / Wie du auch Gerhart von Belbruggen / auß
 befelch beyder anwesender Fürsten / Gerharten Sauer Windeckischen Land-
 botten vnd Schultheissen zu Dottenfeld / den zwey vnd zwanzigsten Augusti
 schriftlich befohlen / folgenden tags den ihnen anbefohlenen Vnderthanen ein
 gemeine herschawung vber die Kirchen zu intimiren / dieselben auch gemustert.
 Zu ebenmessigen Deputirten vnd Directoribus hettest ihr euch in der Graff-
 schafft Ravensberg bestellen lassen / Wilhelm Ledebaur / N. Fuchs zum Bö-
 ckel / Rembold von Kerschenbroich / Wilhelm von Quernheim / Georg Euning /
 vnd Baldewin vom Closter / die ihr alle den Fürsten vnverhindert vnserer ver-
 botts euch vndergeben / mit eyd vñ pflichten beygethan / vnd die Vestung Spar-
 renberg in Namen der Fürsten eingenommen / mit Kriegsteuten besetzt / vnd
 Wilhelm Ledebaur vnd Johannes Duhmstrup zu Hauptleuten angeordnet
 vnd verlassen / wie auch den 16. Augusti du Wilhelm von Lohausen Rietmeister /
 vnd N. Esbach zu Duckenburg / ernanten Rembold von Kerschenbroich zum Bo-
 greffen zu Billefeld bestellet / Ferner seyest du ermelter Wilhelm Ledebaur den
 13. von der Vestung Sparrenberg herunter kommen / des Dechanten / Pasto-
 ren vnd andere Geistliche Häuser vmblegt vnd bewachen / alle Brieff vnd Se-
 creta durchforschen / vnd de facto besichtigen lassen / Mehr hettest ihr vorbesagte
 Commissarii in Namen beyder Fürsten das Schloß Ravensberg de facto in-
 vadirt / mit Soldaten besetzt / vnd an statt des Amptmans Wenden / so vns ge-
 horsam vnd derhalben kein handgelübt wider vnserer befelch thun wollen / Geor-
 gen Euning vñ Baldewin vom Closter für Befelchshaber darauß verlassen / vñ
 denselben die Custodiam anbefohlen / Du Matheus Wachtenduncel zu Hul-
 hausen / hettest dich von gedachten beyden Fürsten für einen Kriegsbefelchsha-
 bern im Fürstenthumb Cleve bestellen / vnd in dero eyd vnd dienst eingelassen /
 darauß in beyder Fürsten Namen Legationes auff Brüssel vnd andere ohr / zu
 vorsezung vnd entschuldigung ihrer vnverantwortlichen attentaten vnd vor-
 genommenen thätlichen newerungen gebrauchen lassen / Du Gerlach Elender
 Rechten Doctor seyest zum Rathgeber gebraucht / hettest auch im Fürstent-
 humb Cleve vnd zu Düßeldorff nicht allein die Ständ wider vns auff zuwei-

Eeln/zum vngheorsam zubewegen/vnd den Fürsten zuzufallen vñ bezupflich-
 ten angereiget/vnd allen möglichen fleiß angewendet/ Sondern auch zuverhin-
 derung vnserer Kayf. Commissarien vnd des Herolds/ allerhand machintren
 vnd zu werck richten helfen/ wie auch viel Eleyische Stätt zu handgelübten
 mit allerhand einbildungen vnd bedrawungen aufsehender gefehrlichkeit vnd
 Kriegsgefahr/auff den widrigen fall angeführt. Mehr hertest du Adolff Stei-
 gen der Rechten Doctor vnverantwortlicher vnd nicht bald erhörter weiß dich
 vnderstanden/vnsere zu Düsseldorf an Cansley angeschlagene Kayf. Manda-
 ta abzureissen/ vnd in beysein Petri Gans eines Notarij/ der sich wider vns
 gleichfals gebrauchen/die widerwertige beyder Fürsten vnd vns hochverschme-
 liche Edicta non citra crimen læsæ Maiestatis anschlagen lassen/Du Bertram
 von Lügenrad aber hertest dich nicht allein Eleyischen Rahr von den Fürsten
 bestellen/ sondern auch die Eleyische State von der bewilligten Vnton abge-
 wendet/vnd zum beyfall der Fürsten beredet/ Wie auch du Wilhelm Quad
 von Zoppenbroich Amptman zu Kinkelberg/ dich nicht allein den Fürsten an-
 hängig gemacht/ vnd zu handgelübt eingelassen/ sondern darüber noch andere
 darju verlesentz helfen. Schließlich hertest du N. Knipping zu Heyen/der Ele-
 yischen Ständ Soldaten in der Fürsten eyd gebracht/ In massen alle ihr jetzt
 erzehlte beyden Fürsten nicht allein obberürter massen vnd sonsten/ beyfall/eyd
 vnd pflicht gerhan/ sondern auch nach den auffgeschlagenen Kayf. Mandaten
 von tag zu tag mehr dagegen gehandelt/ rathen/ verrichten/zu werck stellen/vnd
 je lenger je mehr die Fürsten in ihrem widerRechtlichen vorsatz steiffen/stercken/
 vnd anhegen/auch die Vnderthanen von vnserm gehorsam abführen/ vnd den
 Fürsten zuzufallen/verführen helfen/ wie noch. Wann ihr dan sampt vnd son-
 ders durch solche vnd dergleichen mutwillige contraventiones, attentata, thät-
 lichkeiten vnd bösllichem vngheorsam/ auch Rebellion wider vns ipso facto in
 die straff vnserer Mandaten/ vnd also in vnser vnd des Reichs Acht vnd aber
 Acht/ auch verlust aller ewere Haab/ Güter/ Ehen/ Gnaden/ Freyheiten vnd
 andere straffen/ ohne weittere erklärung gefallen/ vnd soviel mehr/ weil die facta
 nte allein allen Rechten/ Reichs Constitutionen vñ gemeinen friden zuwider/
 vnd zum öffentlichen Auffruhr/ zerrüttung vnd gemeiner empörung gerichtet/
 vnd also geschaffen/ das mit keinem schein Rechtens dieselbe behaubt werden
 mögen/ sondern auch dermassen Landkündig vnd notori, das keines ferneren
 beweiß vonnöten/ bevorab/ weil dieselbe facti permanentis sein/ vnd bis auff
 diese stund wehren/vnd vnabgeschafft bleiben/ Derowegen wir dann gestracks
 zu der Execution zu procediren wol befugt. Gleichwol vnd damit ihr euch nicht

zubelagen/ ober der vntwissenheit zuentschuldigen/ So hat vorgemelter vnser
 Kay. Hoff Fiscal vns gehorsamst angeruffen vnd gebetten/ euch vorbenanee be-
 harliche Contraventores in solche den Mandatis einverleibte obgesetzte straffen
 der Acht vnd aber Acht/ auch verflerung aller ewer Haab/ Güter/ Ehen/ Sna-
 den vnd Freyheiten zum vberflus zuerklären/ vnd zu dem end wider euch Cita-
 tionem ad videndum vos declarari, in gebürender form Edicts weiß zuerkennen
 vnd öffentlich anschlagen zulassen/ inmassen erlangt/ das ihme heut dato solche
 Citation erkent worden. Heischen vnd laden euch derwegen alle sampt/ vnd ein-
 jeden insonderheit von Kayf. macht/ auch Gericht vnd Rechts wegen hiemit
 auff den sechs vnd dreissigsten den nechsten/ nach dem euch diß vnser Kayf. Ci-
 tation verkünd oder zu wissen gemacht/ so wir euch vor den erste/ andern/ dritte/
 vnd endlichen Rechtstag setzen vnd benennen peremptorie, oder aber da derselb
 kein Gerichtstag were/ den nechsten Gerichtstag hernach/ selbst oder durch
 ewere vollmächtige Anwald/ an vnserm Kayf. Hoffe/ welcher enden der die zeit
 sein möchte/ erscheinet/ zusehen vnd zuhören/ Euch vmb ewers vngehorsams/ in
 dem ihr obangeregten vnsern hochverpeenten Gebotten vnd Verbotten ihres
 inhalts nicht gelebt/ vnd anderer oberjetter verhandlung willen/ in die darin be-
 drawete peen/ vnser vnd des Heyl. Reichs Acht vnd aber Acht gefallen sein/ er-
 theilen/ erkennen vnd erklären/ oder aber erhebliche vnd in Recht gegründete
 vrsachen/ warumb die erklärang also nicht erfolgen solle/ gebürlich vorzubrin-
 gen/ vnd darüber entscheits vnd erkantnuß zugewarten. Dann ihr kompt also
 oder nicht/ so wird nichts desto weniger mit angeregter erkantnuß vnd erklärang
 gehandelt vñ im Rechten Procedirt werden/ wie sich das seiner Ordnung nach
 gebürt. Wir setzen vnd wollen auch von mehrberürter vnser Kayf. macht/ das
 diese vnser Kayf. Ladung/ oder glaubwürdige von vnser geliebten Bettern/
 Sohn vnd Fürsten authentisire abschriften/ allen den Gütlichschen Fürsten/
 rhumb vnd Landen/ oder wo es sonsten S. E. für notwendig erachten möchten/
 also offen Edicts weiß angeschlagen vnd verkündet/ vnd ewer einem jeden/ ob sie
 demselben vnter augen/ oder in die gewöhnliche behausung vberantwortet wor-
 den were/ laden solle. Nach dem wisse sich ein jedweder zurichten/ Geben auff
 vnserm Königlichem Schloß zu Prag/ den Fiffteen tag Novembris/ Anno
 Sechszehen hundert vnd neunnden/ vnserer Reiche des Römischen im Fünff
 vnd dreissasten/ des Hungarischen im Acht vnd dreissigsten/ vnd des Böheim
 nischen auch im Fünff vnd dreissigsten.

Rudolff.

Ad mandatum Sacre Cesaree Maiestatis proprium.
 E von Stralendorff. Got: Hertel.

Wann nun Ihre FF. GG. vnd deren angehörige Etitree Personen mit vorangezogener Ehrwüriger bezüchtigung/diffamator vnd beschuldigung/sich mercklich vnd zum höchsten beschwert befinden/vnd dardurch ins künfftig ferner beschwert zu werden/in sorgen vnd gefahr stehen müssen/Sonderlich darumb/dieweil den Rechten vnd der billichkeit ganz vngemeß/das in einer so wichtigen sachen/daran verlust Ehren/Leibs/Lebens/Haab vnd Güter hanget/jemanden der niemahln der gebür Etitree/wider welchen keine klag vbergeben/vielweniger er darauff gehört worden/noch einige beweisung oder ordentliche erkantnuß gegen denselben vorgangen/wie dann deren keines in diesem fall geschehen/ein solch hochnacheiltig vnd vnwiderbringlich præjudicium vnd præsubpositum zugelegt werden solte/das er pro convicto gehalten werden/vnd es mehr nicht dann an der Execution solte ermangeln. Ob dann wol niche ohne das Hochernente beyde Fürstliche Gewalthabere von etlichen dergleichen Processen/vñ denselben angehengten Eventual Achts erklärungen/so auch vnder Ihrer Kay. May. Namen den 6. Novembriß jüngst zu Prag dadire/wider Ihre FF. GG. geworbene Kriegssobersten/Ritmeistern/Haubt. vnd andere Kriegsteute/dañ auch Beampre/Räthe/Diener/Stände/Vnderthanen vnd Schugverwandten der Fürstenthumben Süllich/Eleve vnd Berg/vnd darzu gehörigen Graff. vnd Herrschafften/ebener gestalt aufgangen vnd execute worden sein mögen/den 28. nechst verschienen Monats Decembriß/von wegen Ihrer FF. GG. kundlichen Interesse/mit außführlicher Deduction mehrfaltigen bestendigen vrsachen zugefügter gravaminum von dero Röm. Kay. May. vnd dero Commissario/hinwiderumb an dieselbe/ seu à Cæsare male informato ad melius informandum & committentem, vnd das ganze Römische Reich/vnd desselben Ehr. Fürsten vnd Stände/oder wohin sonst die sache ihrer art vnd eigenschafft nach gehört/salva nullitate. tanquam tertij Appellire vnd Supplicire/vermöß darüber auffgerichtē Instruments/vñ in sothaner Appellation vnd Supplication zugleich alles dasjenige/was zu darin angeregter sachen gehören oder zugezogen werdē mag/mit begriffen: Wiewol auch die in obgemelter Edictal Citation sub & obrepticie angebene facta, vnd darauff bereit zugefügte vñ ferner besorgete hochgeschrichte vñ Ehrverletzliche gravamina, von gedachter nechst voriger Appellation dependire/also das einerley cause gravaminum, interventionis & interesse vorhanden/vñ derwegen besondern Appellirens vñ Supplicirens wol vnnötig were/demnach zu vberflüssiger vorsorgen/vnd weil nit allein einem jeden so in oder außserhalb Berichts gravirt principaliter, sonder auch einem tertio, wegen seines mit vnderlauffendē interesse/im Rechten zugelassen/

von dergleichen beschwertung zu Appelliren / Wollen mehr hoch vnd gemelte
 Herrn Marggraffen Ernsten F. Gn. vnd Fürstliche Pfalz Neuburgische
 Statthalter vnd Käthe/ in Namen ihres abwesenden Gnedigen Fürsten vnd
 Herrn/ vnd beyderseits Ehur: vnd Fürstliche Principalen/ die vorige Appella-
 tion repetirt / vnd auß darin vermelten/ wie auch vorangezogenen/ vnd mehr
 andern vrsachen so zu seiner zeit/ bey Rechtlicher Prosecution fermer außzu-
 führen/ hiemit vorbehalten werden/ von vorgemelten Kayf. Edictal Citation
 vnd darin zugefügten gravaminibus, sampt allen deren ein vnd zufellen/ so wol
 Ihrer S. S. eignen höchsten Interesse halber/ als zur schuldiger vnd Fürst-
 lich versprochener Defension/ vertretung vnd schadlos haltung obgemelten
 ihrer angehörigen/ so gleichwol mehrentheils abwesend/ vnd dieser sachen vn-
 wissend/ in vnd mit diser schrifft/ jedoch mit vorbehalt der richtigkeit/ nochmals
 von Allerhöchstgedachter Ihrer Kayf. May. widerumb an dieselb/ vnd also à
 Cæsare malè informato, ad melius informandum, & à Commissario ad commit-
 tentem, vnd an alle Ehur: Fürsten vnd Stände des Heyl. Römischen Reichs/
 vnd sonst an alle vnd jede gebürliche Richter Provocirt vnd Supplicirt/ die
 vorige Appellation vnd Supplication mit dieser/ vñ diese mit voriger besetzt/
 vnd euch Notarien/ fleissig/ fleissiger vnd aller fleissigst erfordert haben/ Ihren
 S. S. hierüber Apostolos Testimonialia in einer oder mehr offner Instru-
 mens form vor die gebür mitzurheilen/ salvis alijs quibuscunq; juris remedijs.

Vnd dieweil wir Johan Daniels/ vnd Sifbertus Hulcken/ auß Kayf.
 May. macht vnd gewalt offenbare vnd beyder Fürstlicher Bülichscher vnd
 Bergischer Cangelen/ approbirte vnd zugelassene Notarij/ bey obgemelten
 Appellation zettuls vbergebung/ eingewendter Protestation/ Appellation
 vnd andern dingen/ neben gemelten glaubhaften gezeugen/ Persönlich vber
 vnd an gewesen/ dasselb also vor vns verhandelt/ gesehen vnd angehört/ der
 halb wir dasselb in notam genommen/ vnd gegenwertigs Instrumentum loco
 Apostolorum testimonialium darüber gefertigt/ dasselb durch einen andern
 ingrossiren lassen/ mit eignen handen/ auch Christlichem Tauff/ Zunamen
 vnd gewöhnlichen Notariat zeichen vnderschieden vnd verzeichnet/ Alles
 neben den zeugen herzu sonderlich requirirt vnd erfordert.

Johan Daniels/ Sifbertus Hulcken.

LIBER BIBLIOTHECÆ

PERILLUSTRIS ABBATIE

AD S.

MICHAËLEM

ET

ANNONEM

IN SIEGBERG



~ Cr

LIBER BIBLIOTHECÆ
PERILLUSTRIS ABBATIÆ
Ad SS,
MICHAËLEM
ET
ANNONEM
IN SIEGBERG.